

La funtanna sulfurusa

Tarvilla a l ha la furtùna
che fra l pochi so bel rarità
a l ha l buneur d aveine una
che mì ades am pias numinà.

Lè la funtanna sulfurusa
c la da d l aqua c la fa tant ben,
lè fresca, sanna, purtentusa,
bevì pira as paga nen.

Tanti van alla funtanna,
per godi là l divertiment,
se l'idea an län nen sanna
alzu spali e pensu nent.

I sieui i van in bicicletta
col bianc fulàr al saccucìn,
e in bucca la sigaretta,
e finna quì ad mal ie nèn.

Tèò tante fije van vulantera
(ancur pi tant che al divozion)
a beivi d'acqua, o d' barbera,
o sè treuvu un bon padron.

Tanti autre i van pumpusi,
a godi là l divertiment,
van con briò, van ginsusi,
e tanti così per la ment.

Mu certe fije spudura'i,
che fan mercà del sò pudur
meritu esci staffilaji,
tutti i parlu mal ad lur.

Tèò l sò mari fan brutta vista,
la ruvinna stiru a press,
la gent, la dìs ch ien d carta
[pista.
che valu gnanch un sett e mezz !

Ien tutti amant d la ligria,
stamu a legar a rabèll,
che muri d malinconia
lur i disu che lè nen bel.

E tutti lá in compagnia
tra la pazion e l tentazion,
passu la festa nt la ligrìa,
ntla cura d l acqua e del vin
/bon.

Ian di sold in abbondanza,
i travaiu e s dan ardriss,
e s'vanzu tutti la speranza
d'andá tutti in Paradis.

Farei tutti opera bona
se, a compri custa canzòn,
perchè iutèi una personna
acciaceaia n tutti cantòn.